

مستطابق

در سعادته باب عالی جوارنده
داره مخصوصه
محل اداره :

خطار :
مسکونه موافق آثار جدیده مع المنوبه
قبول اولیور
درج ابدیه بن آثار اعاده او آثار

ریس، فلسفه، علوم، مفروض، ادبیات و سیاسیات و باطالع کرم سیاسی و کرم اجتماعی و مدنی احوال و شئون و امور و معیشت و امور و هفته بر نشر از انور.

آبونه بدلی	سنة لکی	التی آلتی	ممالک عثمانیه ایچون	۶۵	۳۵	غروش
			روسیه	۶۵	۳۵	روبله
			سائر ممالک اجنبیه	۱۷	۹	فرائق
صاحب و مؤسسلری :	ابوالعلا زین العابدین - ح . اشرف ادیب	تاریخ تأسیسی	۱۰ تموز ۳۲۴	۲۰	غروش	قبیله دن مقوا بورو ایله کوندیلیرسه سنوی
				۵۰	پاره در	دوسعادته نسخه سی

عدد : ۱۰۵ ۴ رمضان ۳۲۸ بختیه ۲۶ اغستوس ۳۲۶ بشنچی جلد

خلافنده ایمان اظهار ایدر دها برفرقه کفره بولندیغنی اخبار و بونلرک عاجلاً و آجلاً برطاقم احوال هائله بی استتباع ایدن جنایات شنیعه لرینی. تعداد ایله بیوریورکه [بعض ناس دخی واردرکه اللهه و یوم آخرته ایمان ایتدک دیرلر ، حالبوکه بونلر مؤمن دکلدرلر] بوکروه ناس اغزلیله اللهه و آخرت کونه ایناندق دیرلر سه ده حقیقه بوکایناغش دکلدرلر ، بونلر دیلرلیله قلب و اعتقاد لرینک خلافتی سویلر بر آلائی منافقدرلر . بوارباب شر و فساد محض اسلامک قوتندن خوف و هراسلرینه ، بنی واملرینه نائل اولق مطالعه سندن ناشی ستر کفر ایله ایمان اظهار ایدرلر .

یارب ، شو معظم رمضان حرمتنه ،
قالدیر آره دن وحدته حائل نه ایسه ؛
یارب ، شو عصر لرحه سورن تفرقه دن
آرتق از یلوب دوشمسین امت یاسه .
مادام که ویردک بزه بر روح نوین ..
یارب ، دها بر نفخه تأیید اینسین !

نفسیه شریف

انوارت آن

یوم آخر ایله ، وقت حشر دن الی مالانم یایه دوام ایدن وقت نامحدود مراددر . بووقت نامحدود ، مبدئی بولنان روز حشر اعتباریله آخر حیات دنیا اولمسندن ناشی یوم آخر تسمیه ایدلمشدر . مجرد جناب حق و یوم آخرته ایمان ایتسکه ماهیت ایمان تحقق ایتیموب بلکه ایمان واجب اولان امورک کافه سنه ایمان ایتک تحت وجوده ایکن منافق لک یالکز شوایکی جهتی ذکر ایتلری ، ایماندن مقصد اعظم بویکی جهت اولوب کندیلری ایسه بومقصد اعظمی ایکی طرفدن احراز واحاطه ایلدکلرینی ادعا ایتلرینه منبی در - ق ش .

منافقلر هررنک ایله تلون ایدرلر ، مقصدلرینی ترویج ایچون هیچ برملعتی اجرادن کیری طورمازلر ، اول قدر ماهرانه خدعه و دسیسه استعمال ایدرلر که حب و اخلاص شیوه سنده صدقایه بیله فائق کورینورلر . بر شخصی ، بر عائله یی ، بر خانمانی ، بر خاندانی ، برملتی محو ایتک انلرجه موجب تحاشی برشی دکلدر . هنکام اقبالده پرستش ایدر ، زمان ادبارده عدو جان کسیلورلر ؛ ایکی فعل متضاد

۸ - وَمِنَ النَّاسِ مَن يَقُولُ آمَنَّا بِاللَّهِ وَبِالْيَوْمِ الْآخِرِ
وَمَا هُمْ بِمُؤْمِنِينَ

[جناب منزل الفرقان مخلص لدین الله اولان فرقه نك احوالی شرح وایضاح ایلدکدن و عقبنده دخی انلرک ضدی اولوب ظاهراً و باطناً کفر محض اوزره متمرد بولسان کفر نك حالی بیان بیوردقندن صکره شمعی ده بویکی قسم اردسندن مذبذب اوله رق اعتقادلری

خوش بود که محک تجربه آید بمیان
باسیه روی شود هر که دروغش باشد
حافظ شیرازی

۹ — يُخَادِعُونَ اللَّهَ وَالَّذِينَ آمَنُوا وَمَا يُخَادِعُونَ
إِلَّا أَنْفُسَهُمْ وَمَا يَشْعُرُونَ

[منافقینك الله و یوم آخرته ایمان ایدرز دیمارندن مقصدلری
توضیح اولنهرق بیوریلورکه] بولر الله و ایمان ایدلره مخادعه
ایدیورلر [درونلرنده کفری اضمار و صورتا ایمان اظهار
ایلدیرك الله و ایمان ایدلره قارشو خدعهکارلر معامله سی کی
معامله ایدیورلر بر طرفدن اسرار مسلمینی مخالفین و بدخواهانه اشاعه
ایلیورلر ، دیگر طرفندن کنیدیلرینی سائر کفریه اصابت ایدن
حوالندن قورتارمق و نائل احکام مسلمین اولمق ایچون اسلام صورتی
کوستریورلر] حالبوکه [بومعامله لریله] انجق نفسلرینه خدعه
ایدیورلرده [بونی] حس ایتیورلر [الله و ایمان ایدلره قارشو جراتیاب
اولدقلمی معامله ناسرالرینک نتیجه سی انجق کنیدیلرینه مضر اوله جفنی
درك و تعقل ایلیورلر]

خدع : خاتک فتحی و کسریله ، بر کیمسه دیگر کمنهیه بر فخالق
ایتمک ایستدیکی حالده آپانسزین انی او فخالقه دوشورمک ایچون
مقصودینک خلاقی ایهام ایلکدر ؛ یاخود بر کیمسه دیگر کمنهیه
الداتوب ده سولتله اندن قورتلمق ایچون او کمنهیه نك آرزوسنه مساعده
صورتی کوسترمکدر . خدعه : خاتک ضم و کسریله ، بومعاندن اسمدر .
آیت کریمه ده واقع [یخادعون] صیغه سی [یخادعون] معناسنه در .
منافقلرک مکر و حیله لرندن مفاعله صیغه سیله تعبیر بیوریلسی انلرک درلو
درلو معاملات خدعه کارانه استعمالنده مداومتلرینه اشارت ایچون
اولدینی کی منافقلر اهل کتابدن اولوب هیچ بر فردک جناب علام الغیوبه
خدعه ایتمی متصور اولدیغنی بیلدکلمی حالده کنیدیلرینه بویولده
خدعه اسنادی دخی جراتیاب فضاحت اولدقلمی معامله جناب اقدسه
قارشو خدعه استعمالنی آندیردیغندن کمال شاعت جنایتلرینی بوجه
ایله تمثیل و تصویر ایچوندنر . بومقامده تفاسیرده ده بشقه صورتلرده
ارائه ایدلشدنر . هنر صورت ارائه ایدیلورسه ایدلسون ، بولرک جمله سی
طرز بیان الهی نك قوتنی توسیماً ارائه ایتمک ایچوندنر ؛ یوقسه بولردن
هیچ بری ، کلام الله محتاج تصحیح کورینیورده وجوه صحیحی بیان ایتمک
اوزره ایراد ایدلمش تاویلات دکلدر . اسلوب وارد ایله اذهانه تبلیغ
اولسان مآل و نودای آیت دیگر تعبیر ایله ادا ایدیله ایدی و یاخود
توسیع اولنه ایدی نظم جلیله کی جمعیت وقوت زائل اولوردی . آیت
کریمه اوقوتنجه منافقینک نه لر یامش اولدقلمی و مقابله نه کوردکلرینه
دائر اذهان قارئنه بر جهان معانی کشاده اولیور . یرینه بشقه لفظ و تعبیر
قونسه ترکیب اوزار معنی طارلاشور ، یعنی دائرة مفهوم ، الفاظک معانی
لغویه سنه مقصور قالدور . فصحا و بلغاتک جمله و ترکیبلرنده اوله قیود
و تعبیرات واردرکه او قیدار ذکر ایدلسه و او تعبیراتدن بشقه ادایه
عدول اولنسه کلامک حائر اولدی قوت ، جمعیت ، رونق ، حلاوت ،

انلرک یوزلرینه اولسه حیا ایتمزلر . جناب حق فرقه مخلصینی درت
آیتده ، کفر و تمردینی ایکی آیتده ذکر ایتدیکی حالده منافقلرک
عظم شر و فسادینه و انواع خدع و تسویلاتنه مبنی انلری اون اوج
آیتده ذکر بیورمشدر .

آیات سالفه ده فرق سائر نك احوالی ذکر اولدینی کی شمدی
تفسیری صدندده بولندیغمز آیتلرده دخی هرامتده و عصرده بولنان
فرقه منافقینک حالی ذکر ایدلشدنر ؛ یوقسه بمضیلرینک دیدیکی کی
بو آیتلر عصر نزول قرأنده بولنان جماعت معلومه منافقینه مخصوص
دکلدر ، بونکچوندنرکه فرقه منافقینک اغزندن الله و آخرته ایمان
ایتدکلمی حکایه بیورلدینی زمان [وَآمَنَّا بِكَ يَا مُحَمَّد] دیدکلمی ده
حکایه ایدلما مشدر . اگر بو آیتلر عصر نزول قرأنده بولنان جماعت
منافقینه مخصوص اولایدی ، قرآن کریم بویله چوق سورمیوب
منقرض اولان بر جماعت حقتده بوقدر اعتنا ایدوبده دیگر صنوف
ناسک شرح احوالندن ده زیاده اولهرق اوجاعتمک بیان حالده
اطناب ایتمز ایدی .

اوت .. بو آیات کریمه عام اولدینی جهته منافقلردن عصر نزولده
بولنانلره صادق و شامل اولور ، مع مافیه بوصفدن یوم قیامته قدر
کله جکلر ایچونده بر عبرت ناطقه در .

فرقه منافقین یهود و نصاری ایله صابئین و مجوسدن مؤلف اولوب
ایچلرنده انبیای عظامه ایمان ایله اعمال صالحه دخی ادعا ایدنلری
بولدینی حالده بوجهتلر ذکر اولمیوبده یالکیز الله و یوم آخرته
ایمان ادعا سنده اولدقلمی قصر کلام ایدلسی ، صوک ایکی خصوصه
ایمان دیگر جهتلره ایمانی متضمن اولدینی ایچوندنر . بو طرز بیان
حد اعجازه بانغ اولان صنوف ایجاز قرأندندر .

دینیلورکه اوجاعت الله و یوم آخرته معتقد ایدیلر ، شو حالده
نیچون [وما هم بمؤمنین] بیورلدی ؟ جواباً دیرزکه انلرک اعتقادی
ضعیف بر اعتقاد تقلیدی ایدی ، اخلاق و اعماللرنده او اعتقادک هیچ
بر تأثیری یوق ایدی . بولر افساد ، کذب ، غش ، خیانت ، طمع
و سائر کی کتاب و سنتک کنیدیلرندن حکایه ایتدیکی شرور و زنا
طلمش بر کر و هدرکه انلرک صدور و قلوبنده کی احوال تدقیق اولنوبده
عمللرینک درونلرنده اولان منشألرینه اطلاع حاصل اولسه ، کنیدیلر-
ندن نماز و صدقه کی ظهور ایدن عمل صالحک سائق ناسه قارشو
ریا و سمعندن عبارت بولندیغنی تحقق ایدر ایدی .

جناب حقک خشنود اولدینی وجه ایله ذات الوهیتنه انلرک ایمان
ایتدکلمی بواعمال دلالت ایتمز . رضاء الهی به موافق اولان ایمان
بودرکه مؤمن اولان کیمسه جناب بارینک سلطنت عظامسنی اذعان
و سرار و ضماؤه مطلع بولندیغنی ایقان ایدوبده ظاهر و باطنی ایله
ذات الوهیتنی خشنود ایلکدر . انلر بعض ظواهر عبادات ایله اکتفا
ایلر و بونکله حضرت علام الغیوبی خشنود ایدیورلر ظن ایدرلر
ایدی - ع .

ترتیب آیدن مفسدت مقابله ایدملی در؛ اگر صدقه کی مفسدت کی ضرری ده شدنی اولورسه کذب رخصت واردر، امر بالعکس اولورسه حرام اولسی مأولدر. [دروغ مصاحبت آمیز به ازراست فتنه انگیز] جمله سی نقش حافظه ایدیلجک اقوال حکمیه دندر.

عقولدن قلوب ایله تعبیر ایدملک عندالعرب معروفدر. مرض عقول، عقوله طاری اولوب ده انک تعقل وادرا کنی ضعیف دوشورن حالتدر. شک ووهم بو مرضک اعراضندن اوله رتی بر ظلمتدر که عقنه عارض اولورده انک شعاعی ماورای تکالیف واحکامده بولنان اسرار و حکمه نفوذدن الیقویار. بو نفوذ فقه فی الدیندر که دینی ظاهراً وباطناً اخذه نفسی سوق ایدر. بو مقوله لرك فقه فی الدینی غائب ایتلرندن قرآن [لهم قلوب لا یفقهون بها] قول شریفی ایله تعبیر ایتشدیر و بو مقام امثالنده بلکه عقولدن قلوب ایله تعبیر اولنسی قلب اعماله سوق ایدر محل وجدان اولدینی ایچوندیر. عقل صورت اعتقادی طریق تقلید و تسامیمدن تلقی ایدوب ده زوایای دماغدن بر کوشیه بر اقورسه او صورتک نه وجدان اوزرنده حکمی ونه قلبده تأثیری اولور. وجدان اوزرنده حکمی و قلبده تأثیری بولنمیان اعتقاد ایسه نه عندالله معتدیه اولور نه ده انسان اندن استفاده ایدر. شو حالده بر کیمسه نك ایمانی اونک اعمالنده تصرف ایدر مرتبه ده قلبنه قوه برهان ایله اورمازسه او کیمسه یه ایمانی نفع ویرمز، مکر که فهم و اخلاصه مقرون بولنان اعمال صالحه ده تمرن وادمان ایده ایدتا که قلبنده وجدان پاك پیدا اولسون. اهل یقینک یقینلری کنیدیلریخی عمل صالحه سوق ایدر، اهل تقلیدک اعمال صالحه سی انلری ایمانلریله انتفاعده اهل یقینه الحاق ایلر. بو آیات کریمه نك کنیدیلرندن بحث ایلدیکی فرقه منافقین ایسه بو ایکی امرک هر ایکسینی غائب ایتشدیر. ضعف عقلک اسباب عدیده سی اولوب بونلردن بعضیسی اهل بله و عثمک حالی کی فطریدر؛ بو نوع ضعف عقل صاحبی مکلفده دئل، ملوم و معاتبده دکلدر. اسباب مذکورده دن بعضیلری ده تربیه عقایه نك قسادندن نشأت ایدر؛ ایشته مقلدک حاله بودر، او مقلدک که انلر عقللریخی استعمال ایتیموب انحق قوملرینک معتاد اولدقلری اوهام و خیالات ایله اکتفا ایدرلر و کسب ایتدکلری سیئات ایله سالک اولدقلری تقالید و عاداتده قلبلرینه غلبه چالار.

بو حجاب و سحابلرک ماوراسنده بولنان شمس عرفان و ایمانه واقف اولمق ایچون او حجاب و سحابلری بیرتوب ازاله ایتکی جناب حق امر ایتش ایکن بو امر الهییه اعتنا ایتزلر. بلکه جناب حقک [انا وجدنا آباءنا علی امة وانا علی آثارهم مقتدون] قول شریفنده کنیدیلرندن حکایه ایتدیکی حالت ایله اکتفا ایدرلر، تا اول کون کلنجیه ده که او کونده [ربنا انا اطعنا ساداتنا وکبراءنا فأضلونا السبیلا] دیه ایتدکلرینه اسف وندامت ایده جکلدر.

رسول نذیر کلوبده رشد و سدادی غوایتدن فرق و تمیز ایتزدن اون زمان فترنده بونلرک کتبدن حظلری انک قرائت الفاظندن و اعمالدن حظلری دخی صور اعمالی ادادن عبارت بولندینی و قتلرده

ظرافت و یاخود دیگر بر خاصه ضایع اولور. بوکی جمله و ترکیبیلر شرح اولندینی زمان مقصد انلرک مؤداسی ایضاح اولوب تاویلات اولدینی کی آیت کریمه نك تفسیرنده بیان اولنان وجوه دخی مؤدای نظام جلیلی ایضاحاً کوسترمکدر. اسانمزده مثلاً [ایتمه بوله] ترکیبی برضرب مثلدیر. مقصد کیمسه یه فئالق ایتمه سن ده فئالق بوله دیمکدر، فقط بوقیود ذکر ایدلش اولایدی حائر اولدینی خاصه قالمزدی. ترکیب بروجیه محرر شرح ایدیلورسه بولونی ایضاح دیمکدر.

اسانمزده برده مثلاً [فزاری یاق] دیرز، بو ترکیب شو حالیه فزارک مومی یا قلمسی امر اولندیغنه او قدر قوتلی دلالت ایدر که حتی مقصد تصریح ایدلسه بارد اولور. شمعی بو ترکیبدن مقصد ایقاد شمعدر دیه شرح ایدلسه مؤداسی ایضاح ایدلش اولور، یوقسه استعمالی تصحیح دیمک دکلدر.

نفس: برشیتک ذات و حقیقه تی دیمکدر. بعضاً روح، قلب، دم، ماء معالرنده استعمال اولنور. بوراده ذات و حقیقت معنایی مراددر؛ چونکه مقصد منافقلرک مخادعه لرندن حصوله کلن ضرر کنیدیلرینه راجع ر، بشقه لرینه تحطی ایتز دیمکدر. شعور: حسن معناسنده در. هر حاله محل شعور اولدیلرندن حواس انسانه [مشاعر] اطلاق اولنمشدر.

۱۰ — فِي قُلُوبِهِمْ مَرَضٌ كَفَرُوا بِهِمْ اللَّهُ مَرِضًا وَكَلَهُمُ عَذَابٌ أَلِيمٌ بِمَا كَانُوا يَكْذِبُونَ

انلرک قلوبنده مرض واردر [یورکلرنده جهل، سوء عقیده، حسد، رسول اکرمه بلا حق بغض و عداوت و سائر کی نیل فضائله مانع و حیات حقیقه ابدیه نك زواننه مؤدی انواع امراض واردر] جناب حقده انلرک مرضی مزداد ایتدی [بر طرفدن آیات فرقانییه بیانی نازل اوله رق افئده موحدین نور انبیا و سرور ایله طولدجیه و دیگر طرفدن اتحاد و متانت ایله اسلامک قوتی کوندن کونه ارته رق شان و شوکتی اعتلا ایلدجیه نك خسته لکلری غم و کدرلری اولکنندن بدتر اولدی، یورکلری اریدی]. کذب لرندن طولانی انلر ایچون [آخترده] عذاب الیمده واردر. [بو حسود منافقلر اسلامک انبیا و اتحادینی وسطوت اسلامیه نك شان و اقبالنی چکه یه رک دنیا ده غم و المله کنیدی کنیدیلریخی یدکلری کی ارتکاب ایلدکلری کذب و دروغدن ناشی عقباده دخی عذاب شدید کرفتار اوله جقلدر]

مرض: اول کیفیتدر که بدنه عارض اولورده آنی کنیدینه خاص اعتدالدن چیقارار و افعالننده خالی موجب اولور؛ بوراده مجازاً استعمال ایدلشدیر. کذب: برشیتی بولندینی حالک خلاقی اوله رق خبر ویرمکدر. کذب حرامدر و اخلاق ردیه نك الک مبعوضی ده.

حدیث شریفده [ایاکم و الکذب فانه بجانب للایمان] بیورلشدیر. کذبدن توقی ایدک، زیرا ایمانه بجانبدر، ایمان بر جانبده و کذب اکا مقابل دیگر بر جانبده در دیمکدر. کذب اوج موقعده تجویز اولنمشدر: حربده، اصلاح ذات بینده، بر آدمک زوجه سنی خشنود ایتک ایچون اکا قارشو کذبنده. بعضلری شویله دیمشدیر: کذبک مفسدتیه صدقه

رسول اکرم «صلعم» حضرت تری قبل النبوه سن مبارکری متری اولدجه بر طاقم آرامسزلقله مبتلی اولمشلر مش . بونک ده سبی چونکه کندیلری پراتیک دکلمش ، اعتدال دملری یوق ایش ... هم ده منحصرأ حال حاضری نظر دقتہ آمازلر ، وظائف حیاتیہ ایفاسنه مناسب گلر مش . بو قیلدن یکدیگرینه مبین بر طاقم شیلر دها درمیان اولیور . عجبا اول حضرتہ عزو اولن ان آرامسزلقلر نهدن عبارت اولیور ، «منحصرأ حال حاضری مشمول نظر دقت» فقره سنک مدلولی اولان فکر استقبال ، تدقیق مآل احوال هانکی جهاته معطوف بولنیور .

اگر مقدمه مزده توضیح اولدینی اوزره او ائساده قومک ، بلکه بوتون جهان خالقنک احوال ضلالت اشتالی مشاهده ایله متأثر اولق ، اصلاح احوال عالم ، تأمین استقبال ام حقنده چاره لر دوشونمک سلامت عمومیہ اسبابی تحری وملاحظه دن طولانی راحت وحضورلری منسلب بولمق [۱] کی نفس الامر موافق افکار وملاحظات سنهدن عبارت قلته حق اولورسه بونوع آرامسزلق شان والای رسالتینا هیده سزاوار تقدیر وتخیل اولان کالات قدسیه جمله سندن اولدینی حالده هانکی فلسفیه بناء استخفاف وازدرایه جرم ایدیورلر ؟

یوق ! اگر باشقه درلو ملاحظه لر ، ناسزا دوشونجه لر واندیشه لر دیمک ایسته یورلرسه بویله مبهم کلمه یوب تعیین اولمق اقتضا ایدردی . فقط اوتہ دنبری کورولدیکی وجهله بو متجاسرلرک دلیل وبرهانه مستند جدی سوزلر وعقل ومنطقه مطابق بحثلر ایله ایشی یوقدر . بوتون آرزو وامللری جاھلرک معدہ سنی بولاندیره حق ، کندیلری کی حاذق ! کینن سفیھلرک اوھامنی قابارتہ حق افسانه لر ، فسونکارانه فتنلر یو وارلامقدن عبارت اولدینی محتاج تکرار دکلمر .

« حتی مرسلیتدن سوکرا دین ایله هیچ مناسبتی اولمیان هر ایشه » تفریع سخافت بدیدی ده اغالیط غامیانه جمله . سندن اولدینی وارسته تذکاردن . اول « هر ایشه ارقاداشلری طرفندن صوقولمه کندیسنی ترک ایتدی » عبارته سنده کی هجنت افاده ، رکاکت ترکیب قارشوشونده انسان کولمه مک ایچون نفسنی پک کوچ ضبط ایده بیلیر . ذاتاً قوجه کتابک هانکی یرنده بر حسن افاده ، یاخود بر حس احترام کورولدیکی واردر . بز بو جهتی خارج ازصدد عد ایتمکده یز . « کل انا ، ینضج بما فیہ » .

تایاً دین ایله هیچ مناسبتی اولمیان ایشلرک ماصدق علیھنی تعیین ایتک امکانشدر . اسلامیتک اجمالاً اولسون حقیقتنه آکا بولن ان کیمسه احکام جلیله سنک کافه امور دنیا وعقبا ایله مناسبت وارتباطی اولدینی ممکن دکل انکار ایدمیز . بو حالده دین ایله مناسبتی اولمیان ایشلری نهیه حمل ایده بیلیرسکنز ؟ بر کره تجارت وزراعت وسائر

[۱] رسول اکرم اندیمزک بوجھندن طولانی اقتحام بیوردقلری اوزونی واندیشه لرک وحی ربانی وتیسیر سبحانی سایه سنده دفع وازاله قلنمش اولسنه استعین بالله (ووضعا عنک ووزک الدی انقض ظھرک ورفعناک ذکرک) نظم شریفیله اشارت بیورلشدیر .

قلبلرنده مرض وار ایدی ، کندیلرینه رسول نذیر کلدکدن صکره نفسلرنده بر صارصنتی حس ایشلرک ایدن حیت جاھلیہ انلری اثم وعدوانه سوق ایلدیکندن ایمان وقرآندن ابا ایتدیلر وبناء علیہ رسولک کتوردیکی شعاع نور انلرک کوزلرنده عمی وخسته لکاری اوزرینه خسته لک اولدی . بونلر عقیده لرینک تزلزلندن ودرولرینک اضطرابندن طولانی مؤلم امراض ایچنده بولندقدن بشقه کندیلری سبیلہ بوندن صکره دخی بو امراضک فوقنده اوله رق کندیلری ایچون عذاب الیم واردر . دینورکه عذاب ایچون کفرک جزاسی قلنمدی ده کذبہ جزا اوله رق کوسترلدی ؟ جواباً دیرزکه کفر بو نوع کذبده داخلدر . تعبیرده لفظ کذبک اختیار ایدلمسی . کذبک فظاعتی وعظیم بر جرم اولدینی وکفر بونک مشتملاتندن بولندینی بیسان ایله کذبدن تحذیر ایچوندیر . بونکچوندیرکه قرآن کذبدن پک شدتلی تحذیر ایش وکذبدن طولانی پک فنا وعیدلر ایشدر . هانکی قومده کذب فاش اولورسه انلر ایچنده هر جریمه وکیره فاش اولور ، زیرا کذب دنائت نفسدن ، ضعف حیا ومرتدن نشأت ایدر ؛ بو صفتده اولانلر ایسه ایتدک فنانق براقمازلر ، مکرکه عجزلرندن ناشی فنانق ایدمیز اولسونلر . نعوذ بالله تعالی — ع .

برکت زاده اسماعیل حق

مقاله سالفه نک دردنجی صحیفه سنندن برنجی ستوننده [اولدینی نمایان اولور] جمله سی [اولدینی زمان نمایان اولور] صورتنده و ذکر اولان صحیفه نک ایکنجی ستوننده [جزاسی] لفظی [جزاسنی] شکلنده دیزلمش اولدینندن تصحیح ایدیلور .

تاریخ اسلامیت

نام مستعار بیدر وقتور « روزی » نک ترکیبہ مترجم رساله

قارشنی ربه

۲۸

« بوازواج واسطه سیله معیشتک ازیمچی اندیشه لرندن قورتولان محمد « ص . ع » سنا ترقی ایتدکجه بو آرام ورفاه مادی به مقابل دیگر آرامسزلقلرک طعمه سی اولدی . برچوق جهتلرجه محمد « ص . ع » وطنداشلرندن فرقی ایدی . اولره بکزه مزیدی . اولر کی پراتیک دکلمدی . اعتدال دمله هرشیئی حساب ایده مزیدی . کندیسنی اویله شن وتوانا ومنحصرأ حال حاضری مشمول نظر دقت ایدر آدم دکلمدی . بالعکس حیاتک علی العاده وظائفنی ایفایه مناسب کله یوردی . حتی مرسلیتدن سوکرا دین ایله هیچ مناسبتی اولمیان هر ایشه ارقاداشلری طرفلرندن صوقولمه کندیسنی ترک ایتدی . عربلر آره سده نادر اوله رق بو برخیاالات اندود ایدی »

اشبو نقراتک کافه سی آھنکسز ، ارتباطسز ، معناسز ، مناسبتسز صاحبه صابان یاولر ، هذیان محموم اطلاقه شایان الک عادی ومستکره هرزم لردن عبارت اولدینی میدانددر . ایچلرنده مقابله دکر بر حکم ، بر نقطه یوقدر . فقط محضا اذهان قاصردیه رعایه بو مقوله هذیاناته قارشنی ده بر قاج سوزسویله مکہ مجبور اولیورز . قارئین کرامتک بوندن طولانی بزى معذور کوره جکالری امیدوارز .